



SAKSPAPIR

Saksnr	Utval	Type	Dato
82/2019	Kommunestyret	PS	16.12.2019

Sakshandsamar	Arkiv	ArkivsakID
Lin Tove Thomassen	FE-033	19/1258

REFERATSAKER OG MELDINGAR

Underliggjande saker:

Saksnummer	Tittel
82/2019.1	Søknad om tilskot til ekstraordinært planarbeid knytt til statleg plan for nye trasèar for E16 og jernbane Arna-Stanghelle
82/2019.2	Spørsmål til ordførar - skatteinnkrevjing
82/2019.3	Tilsynsrapportar - Arbeidstilsynet
82/2019.4	Spørsmål til ordførar - stønad ved kremasjon
82/2019.5	Spørsmål til ordførar - lukka møter og lovheimel
82/2019.6	Fråsegn om budsjettframlegget 2020 frå Brukarutvalet
82/2019.7	Stamnes Motorverkstad - til orientering
82/2019.8	Møteplan 2020

Rådmannen sitt framlegg til vedtak:

Referatsakene vert tatt til orientering.

Kommunestyret - Sak 82/2019

KOM - Behandling:

Spørsmål til ordførar

Referatsak 82/2018.2 - Skatteinnkrevjing

Thor Andersen (AP) stilte spørsmål knytt til sentralisering av skatteinnkrevjinga.

Skriftleg svar frå ordførar:

"Eg har skrive under på oppropet som eg fekk kjennskap til via Lokalsamfunnsforeningen. I spørsmålet ditt, som i oppropet, kjem det fram mange gode grunnar for å skrive under. Det som er

avgjerande for meg er dei lokale stillingane som vert borte over heile landet, lokalkunnskapen og ikkje minst dei økonomiske konsekvensane av eventuelt lågare skatteinntekter, noko som vil vera kritisk for kommunane."

Referatsak 82/2018.5 - Lukka møter og lovheimel

Anne-Christin Eide stilte spørsmål knytt til uttale frå varaordførar om "hemmelege tenester" i Vaksdal kommune.

Skriftleg svar frå ordførar:

"Varaordførar Kjartan Haugsnes refererte i sine uttalelsar til det han meiner har vore praksis når det gjeld saker som hastar litt eller kan vera sensitive. Då kan ordførar eller rådmann ha sagt at det skal orienterast om noko i lukka møte, utan at dette har stått på ei sakliste og blitt protokollført. Det har vore ein slags uformell kontakt i formannskapet for å klarere ulike ting. Dette er ein praksis som har vore i kommunen vår uavhengig av kven som har vore rådmann og ordførar. For framtida vil me at slike saker skal heimlast, samt at det finns ein protokoll unntatt offentlegheit som dei folkevalde har innsyn i dersom ein har behov for å gå tilbake i ettertid. Om det er praktisk mogeleg skal sakene også på sakskartet.

Å nemna eksempel er vanskeleg med tanke på at sakene ikkje kan refererast til. Men eit eksempel er i Formannskapet 23.10.19. Ei sak for lukka dører stod ikkje på sakskartet, og ein refererte munnleg kvifor møtet vart lukka. Det vart heller ikkje ført protokoll unntatt offentlegheit. Rådmannen skulle ha sendt ut varsel om sak unntatt offentlegheit. Her skulle det og vore med lovgrunnlag (paragraf). Så blei denne gongen diverre ikkje gjort og det orsakar alle partar. Både rådmann og politikarar frå posisjon og opposisjon som var på møtet.

Me vil vera ein meiropen kommune, og då må me arbeida med slike tema for å få det til. Framover vil me difor ha fokus på korleis me handsamar denne type saker."

Referatsak 82/2018.4 - Kremasjon

Heidi Rongved (AP) stilte spørsmål vedkomande kommunal stønad ved kremasjon.

I samband med budsjettet for 2019 blei det løyvd 0,1 mill. til kommunal stønad ved kremasjon.

1. Var denne summen tilstrekkeleg?

Svar: I 2019 er det utbetalt 5 stønader og det er venta at det vil komme 3 til, dvs. totalt 8 stønader. Det vil seie 40 000,-. Beløpet blir utbetalt frå Vaksdal Kyrkjelege Fellesråd som igjen fakturerer Vaksdal Kommune. Det er ikkje automatikk i at resterande beløp blir overført til neste år men restsum kan evt. setjast av til dette føremålet dersom kommunen gjer opp rekneskapen for 2019 med eit mindreforbruk. Dette kan gjerast når rekneskapen vert lagt fram til våren.

1. Er dette ein stønad pårørande må krevja, eller er det automatikk i at dei som har krav på det får det.

Svar: Alle vert informert om stønadsordninga. Dette vert i all hovudsak gjort av gravferdsbyråa. Etterlate får stønaden ved å levere inn kvittering for betalt beløp + opplysningar for utbetaling (Namn, kontonr. etc).

Heidi Rongved (AP) ba rådmannen om å vurdere å gjere prosess for utbetaling enklare. Rådmannen vil følge det opp og gje ei tilbakemelding innan 1. mars.

Samrøystes vedtak

KOM - Tilråding/Vedtak:

Referatsakene vart tatt til orientering.